



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	2 01	5015

Strana:
1 od 1

Broj protokola:

02-1-04-7-6717-2019

INTERNO - SVI

DATUM: 26.11.2019

PRIMALAC: C.I.A.K. d.o.o. Sarajevo
NEXEN d.o.o. Banja Luka
ALBAT d.o.o. Sarajevo i
ENERGOINVEST SUE d.o.o. Sarajevo.

PREDMET: Obavijest: Nabavka robe - Trakcione baterije za vozila na električni pogon

VEZA:

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: Trakcione baterije za vozila na električni pogon, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, poništen postupak predmetne nabavke, jer nijedna od primljenih ponuda nije prihvatljiva za Naručioca.

S poštovanjem,

DOSTAVLJENO:

1. Ponuđaču
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a

DIREKTOR

Armin Kajmaković



	Tel.	Fax:	E-mail:
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 641	gc@sarajevo-airport.ba
FINANSIJE	+387/ 33/ 289 162	+387/ 33/ 289 234	finansijski@sarajevo-airport.ba
KOMERCIJALA	+387/ 33/ 289 177	+387/ 33/ 289 154	comdop@sarajevo-airport.ba
WEB	www.sarajevo-airport.ba		



UPRAVA DRUŠTVA	Strana: 1 od 3
Broj protokola: 02-1-04-7-6717-19/19	JAVNO

Datum: 22.11.2019. god.

Na osnovu čl. 69. stav (2) tačka d) i čl. 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za provođenje postupka javne nabavke robe: Trakcione baterije za vozila na električni pogon, imenovane Rješenjem broj: 02-1-04-7-6717-6/19 od 30.10.2019. god., Uprava J.P. Međunarodni aerodrom "SARAJEVO" d.o.o. Sarajevo na 123. sjednici održanoj 22.11.2019. god., donosi

ODLUKU

I

Poništava se postupak nabavke robe: Trakcione baterije za vozila na električni pogon, proveden metodom nabavke Konkurentski zahtjev, jer nijedna od primljenih ponuda nije prihvatljiva.

II

Naručilac će, nakon proteka rokova za reviziju pokrenuti novi postupak nabavke robe iz tačke I ove Odluke, istim metodom - Konkurentski zahtjev, uz prethodnu korekciju tenderskih uslova i tehničke specifikacije robe.

III

Komisija za provođenje novog postupka predmetne nabavke, biće utvrđena/imenovana naknadno, posebnim rješenjem.

O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Trakcione baterije za vozila na električni pogon, proveden metodom nabavke Konkurentski zahtjev, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-6717-3/19 od 18.10.2019. god., a Rješenjem broj: 02-1-04-7-6717-6/19 od 30.10.2019. god., imenovao Komisiju za provođenje postupka nabavke.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-1-778-3-102/19 od 18.10.2019. god. Do ostavljenog roka za predaju ponuda, 31.10.2019. god., do 12,00 sati, na adresu Naručioca dostavljene su 4 (četiri) ponude, i to: C.I.A.K. d.o.o. Sarajevo, NEXEN d.o.o. Banja Luka, ALBAT d.o.o. Sarajevo i ENERGOINVEST SUE d.o.o. Sarajevo.

Na javnom otvaranju ponuda, koje je održano isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijena.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

-Pregledom ponude ponuđača C.I.A.K. d.o.o. Sarajevo, Komisija je konstatovala da je ponuđač dostavio dvije zbirne potvrde o dobro izvršenom poslu, od dvije različite ugovorne strane, u kojima je navedeno da se potvrde odnose na akumulatore, trakcijske baterije, trakcijski članci itd. Kako je u Tenderskoj dokumentaciji izričito zahtjevano da se potvrda mora odnositi na Trakcione baterije, Komisija je dana 01.11.2019. god. od ovog ponuđača zatražila pojašnjenje dostavljenih potvrda, zahtijevajući dostavljanje nove potvrde od iste dvije ugovorne strane, koje se odnose isključivo na Trakcione baterije, koje moraju odgovarati zahtjevu Tenderske dokumentacije, kako predmetnom tako i vrijednosno.

Vrsta dok.	Izdavač
ODL	01-3
Strana: 2 od 3	
JAVNO	

Po prijemu predmetnog zahtjeva za pojašnjenje, ponuđač je dana 06.11.2019. god. dostavio Komisiji objašnjenje, i dvije potvrde, koje nisu zadovoljavale zahtjevima Tenderske dokumentacije, kako vrijednosno, dakle niti jedna potvrda nije glasila na 30.000,00 KM ili više, tako ni zahtjevanom periodu od 09.2016-09.2019. god.

Komisija je prilikom pregleda tehničke specifikacije ponude konstatovala da ponuđena baterija ne odgovara tehničkim zahtjevima iz Tenderske dokumentacije. Naime, u Tenderskoj dokumentaciji je navedeno da je visina baterije iz Obrasca za cijenu ponude stavka 1. 420mm, a na Portalu javnih nabavki je na pitanje jednog od ponuđača navedeno da je maksimalna visina koju baterija može da zauzima 425mm, dakle prostor u sredstvu koji je predviđen za trakcionu bateriju ne smije da prelazi 425mm. Iz dostavljene tehničke dokumentacije jasno je vidljivo da sama ćelija ima visinu od h=405mm, međutim da maksimalna visina H, koju zauzima baterija sa priključcima iznosi 440mm.

Imajući u vidu naprijed navedeno Komisija je ovu ponudu ocijenila formalno-pravno i tehnički neispravnom i neprihvatljivom za Naručioca-

-Pregledom ponuide ponuđača NEXEN d.o.o. Banja Luka, Komisija je konstatovala da je ponuđač dostavio jednu potvrdu o dobro izvršenom ugovoru koja vrijednosno i svim ostalim odgovara zahtjevanom u članu 2.1 Tenderske dokumentacije pod i), međutim potvrda se ne odnosi na traktione baterije kako je zahtjevano. Naime, potvrda se odnosi na olovnu bezodržavajuću akumulatorsku bateriju M12V90FT Marathon. Baterija koja je isporučena ne spada u kategoriju trakcionih baterija, a baterije se dijele na traktione i stacionarne. Trakciona baterija podrazumjeva bateriju sa velikom poteznom strujom, kao u automobilima, otporna je na ciklično pražnjenje. Sama tehnologija baterije se u potpunosti razlikuje od stacionarnih baterija. Baterija na koju se odnosi dostavljena potvrda M12V90FT Marathon je stacionarna baterija koja se koristi za sisteme u kojima su UPS-ovi, ispravljači itd i nije predviđena za pomicanje, kao što joj i samo ime kaže „stacionarna“. Dakle, ova baterija mora mirovati i biti konstantno priključena na ispravljač i pretežno se koristi u telekomunikaciji.

Imajući u vidu naprijed navedenom, Komisija je ocijenila da je ponuđač dostavio neadekvatnu potvrdu.

Takođe, prilikom pregleda tehničke specifikacije konstatovano je da ponuđena baterija ne odgovara zahtjevanom iz Tenderske dokumentacije. Naime, u Tenderskoj dokumentaciji je navedeno da je visina baterije iz Obrasca za cijenu ponude stavka 1. iznosi 420mm, a na Portalu javnih nabavki je na pitanje jednog od ponuđača navedeno da je maksimalna visina koju baterija može da zauzima 425mm, dakle prostor u sredstvu koji je predviđen za trakcionu bateriju ne smije da prelazi 425mm. Iz dostavljene tehničke dokumentacije jasno je vidljivo da sama ćelija ima visinu od h=405mm, međutim da maksimalna visina H koju zauzima baterija sa priključcima iznosi 430mm.

S obzirom na naprijed navedeno, Komisija je i ovu ponudu ocijenila formalno-pravno i tehnički neispravnom i neprihvatljivom za Naručioca.

- Pregledom ponuide ponuđača ALBAT d.o.o. Sarajevo, Komisija je konstatovala da niti jedna dostavljena potvrda o dobro izvršenom poslu ne odgovara zahtjevanoj vrijednosti iz Tenderske dokumentacije, tačka 2.1, pod i). Zahtijevana vrijednost se odnosila na jednu potvrdu u iznosu od 30.000,00 KM za period 09.2016 - 09.2019. god., a ponuđač je dostavio više potvrda koje se odnose na izvršene ugovore manje vrijednosti od 30.000,00 KM.

Takođe, prilikom pregleda tehničke specifikacije konstatovano je da ponuđena baterija ne odgovara zahtjevanom iz Tenderske dokumentacije. Naime, u Tenderskoj dokumentaciji je navedeno da je visina baterije iz Obrasca za cijenu ponude stavka 1. iznosi 420mm, a na Portalu javnih nabavki je na pitanje jednog od ponuđača navedeno da je maksimalna visina koju baterija može da zauzima 425mm, dakle prostor u sredstvu koji je predviđen za trakcionu bateriju ne smije da prelazi 425mm. Iz dostavljene tehničke dokumentacije jasno je vidljivo da sama ćelija ima visinu od h=405mm, međutim da maksimalna visina H koju zauzima baterija sa priključcima iznosi 430mm.

Vrsta dok.	Izdavač
ODL	01-3
Strana: 3 od 3	
JAVNO	

Imajući u vidu naprijed navedeno, Komisija je ovu ponudu ocijenila formalno-pravno i tehnički neispravnom i neprihvatljivom za Naručioaca.

- Pregledom ponude ponuđača ENERGOINVEST - SUE d.o.o. Sarajevo, Komisija je konstatovala da niti jedna dostavljena potvrda o dobro izvršenom poslu ne odgovara zahtjevanoj vrijednosti iz Tenderske dokumentacije član 2.1, pod i). Zahtijevana vrijednost se odnosila na jednu potvrdu u iznosu od 30.000,00KM za period 09.2016 - 09.2019. god., jer je ponuđač dostavio više potvrda koje se odnose na izvršene ugovore manje vrijednosti od 30.000,00 KM.

Takođe, prilikom pregleda tehničke specifikacije ponude je konstatovano da ponuđena baterija ne odgovara zahtjevanom iz Tenderske dokumentacije. Naime, u Tenderskoj dokumentaciji je navedeno da je visina baterije iz Obrasca za cijenu ponude stavka 1. iznosi 420mm, a na Portalu javnih nabavki je na pitanje jednog od ponuđača navedeno da je maksimalna visina koju baterija može da zauzima 425mm, dakle prostor u sredstvu koji je predviđen za trakcionu bateriju ne smije da prelazi 425mm. Iz dostavljene tehničke dokumentacije jasno je vidljivo da sama ćelija ima visinu od 405mm, međutim da je maksimalna visina koju zauzima baterija iznosi 435mm.

Ponuđač nije popunio kolonu 3. Obrasca za cijenu ponude, koja se odnosi na zemlju porijekla robe, što je izričito zahtjevano Tenderskom dokumentacijom, tačkom 2.1 pod d) i Aneks-om II, napomena pod 5).

Imajući u vidu naprijed navedeno, Komisija je i ovu ponudu ocijenila formalno-pravno i tehnički neispravnom i neprihvatljivom za Naručioaca.

Za ovaj postupak nabavke bila je predviđena e-aukcija za kriterij cijene, koja nije provedena s obzirom da nije dostavljena niti jedna formalno-pravno ispravna ponuda.

S obzirom na naprijed navedeno, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se poništi postupak nabavke predmetne robe te ponovi istom metodom – Konkurentski zahtjev, uz prethodnu korekciju tenderskih uslova i tehničke specifikacije robe, s obzirom da niti jedna od 4 (četiri) primljene ponude nije zadovoljila zahtijevane uslove.

Uprava J.P. Međunarodni aerodrom "SARAJEVO" d.o.o. Sarajevo razmotrila je preporuku Komisije, te je istu prihvatila na 123. sjednici održanoj 22.11.2019. god., i postupajući u skladu sa članom 69. stav (2) tačka d) Zakona o javnim nabavkama ocijenila da su se ispunili uslovi za poništenje postupka nabavke predmetne robe i donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

DIREKTOR

Armin Kajmaković

Prilog: Zapisnik o pregledu i ocjeni ponude

DOSTAVLJENO:

1. Ponuđaču
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a

